



Broj: 02-11-1080-1/21.

Datum: 28.04.2021.

Na osnovu člana 39. Statuta Općine Zavidovići ("Sl. glasnik Općine Zavidovići", broj 5/08 i 5a/08), Programa utroška sredstava sa transfera za razvoj poljoprivrede, planiranog u budžetu Općine Zavidovići za 2021. godinu broj 08-11-1059/21. od 07.04.2021. godine i Zaključka Općine Zavidovići broj 02-11-1080/21 od 23.04.2021. godine o usvajanju Programa, Općinski načelnik Zavidovići objavljuje

JAVNI POZIV ZA DODJELU OPĆINSKIH PODSTICAJA SA „TRANSFERA ZA RAZVOJ POLJOPRIVREDE“ PLANIRANOG U BUDŽETU OPĆINE ZAVIDOVIĆI ZA 2021. GODINU

Pozivaju se poljoprivredni proizvođači koji su upisani u Registar poljoprivrednih gazdinstava u Općini Zavidovići da podnesu prijave za ostvarivanje općinskih podsticaja u poljoprivredi za 2021 godinu prema slijedećim modelima:

1.1. Podrška za držanje stoke radi proizvodnje mlijeka - ženskih rasplodnih grla goveda,	18 000,00 KM
1.2 Podrška za proizvodnju sirovog kravljeg mlijeka predatog u otkupu	8 000,00 KM
1.3. Sufinansiranje nabavke lijekova i hrane za pčele udruženju pčelara „Pčelar“, Zavidovići	5 000,00 KM
1.4. Podrška novim nasadima jagodičastog , bobičastog i drugog voća podignutim od jeseni 2020.do proljeća 2021. godine	2 000,00 KM
1.5. Podrška za postojeće nasade jagodičastog i bobičastog voća,	8 000,00 KM
1.6. Podrška za ugovorenu proizvodnju povrća zasijanog ili zasađenog u proljeće 2021. godine	11 500,00 KM
1.7. Podrška za proizvodnju povrća u plastenicima u 2021 godini	8 000,00 KM
1.8. Podrška za jesenju sjetvu žitarica (pšenica, raž, ječam)	8 000,00 KM
1.9. Podrška za organizaciju izložbe poljoprivrednih proizvoda i proizvoda kućne radinosti	1 500,00 KM
1.10. Podrška projektima u poljoprivredi	23 000,00 KM
1.11. Rezervna sredstva	7 000,00 KM
UKUPNO:	100.000,00 KM

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdici@bih.net.ba

OPĆI USLOVI:

- Da podnositelj zahtjeva za podsticaj ima prebivalište kao fizičko lice ili sjedište za pravna lica na teritoriji općine Zavidovići ili je direktno ili indirektno vezan ugovorom za poljoprivrednike sa područja općine Zavidovići.
- Podsticaj mogu ostvariti sva pravna i fizička lica koja su upisana u Registar poljoprivrednih gazdinstava i Registar klijenata kao nositelji poljoprivredne proizvodnje, izuzetno i kao članovi PPG-a umjesto nositelja, kao i druga pravna lica sa opravdanim projektima za podrške.
- Podsticaj se može ostvariti samo za proizvodnje koje su prijavljene u RPG u Općini Zavidovići a koje se odnose na proizvodnju u stočarskoj ili biljnoj proizvodnji, ukoliko nije drugačije naznačeno u daljem tekstu javnog poziva.
- Podsticaj ne mogu ostvariti lica koja su u ranijem periodu nenamjenski utrošila sredstva za podsticaje dobijena od Općine, kao ni lica koja imaju bilo kakvih neizmirenih obaveza prema Općini Zavidovići, niti lica koja su ranije ostvarila podsticaj prevarom ili koja prijave za podsticaj veći obim proizvodnje i veći broj grla stoke nego što stvarno posjeduju na gazdinstvu.
- Korisnici sredstava iz ovog programa, koji su pravna lica i obrtnici, dužni su dostaviti potvrdu nadležne porezne uprave da nemaju dospjelih, a neizmirenih poreznih obaveza.
- **Zahtjevi za podsticaj, sa propisanom dokumentacijom, dostavljaju se na protokol Općine Zavidovići do 31. Maja 2021 godine.**
- Svi korisnici podsticaja moraju dostaviti pismene dokaze o proizvodnji ili nabavci (račun, fiskalni račun, ugovor, otpremnica, pismenu izjavu i slično), što je preciznije utvrđeno posebnim uslovima)

POSEBNI USLOVI:

2.1. Podrška za držanje ženskih rasplodnih grla goveda.

Pravo na podsticaj za držanje ženskih rasplodnih grla imaju proizvođači koji na teritoriji Općine Zavidovići, u vlastitom ili zakupljenom objektu odnosno na imanju prijavljenom u RPG-u, drže minimalno dvije, a maksimalno pet rasplodnih krava, starosti preko 24 mjeseca.

Visina podsticaja iznosi 200,00 KM po prijavljenom grlu goveda.

Svi podnosioci podsticaja koji imaju veći broj grla stoke od maksimalnog broja iz ovog programa nemaju pravo na općinski podsticaj i upućuju se na ostvarivanje podsticaja putem kantonalnog i federalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Broj grla prijavljenih za poticaj sa kategorijama grla,
- Broj poljoprivrednog gazdinstva i broj klijenta;
- Ovjerene kopije pasoša za grla goveda, sa brojevima rasplodnih grla i starostima grla.
- Ovjerena izjava da rasplodna grla za koja je ostvaren podsticaj neće biti prodana ili otuđena u periodu od najmanje dvanaest mjeseci od dana dobijanja podsticaja

2.2. Podrška za proizvodnju sirovog kravljeg mlijeka predatog u otkupu.

Pravo na podsticaj imaju proizvođači koji predaju u otkup sirovo kravlje mlijeko a koji su registrovali samostalnu djelatnost za proizvodnju mlijeka.

Visina podsticaja iznosi 0,05 KM po litri mlijeka predatog u otkup. Podsticaj se može ostvariti za najviše 40 000 litara mlijeka predatog u otkup.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Ugovor o otkupu mlijeka zaključen sa mljekarom,
- Broj poljoprivrednog gazdinstva i broj klijenta;

U Julu mjesecu prvi put i u Decembru mjesecu drugi put klijent dostavlja ovjerene kopije potvrde iz mljekare o količini otkupljenog mlijeka od klijenta, tako da će se i isplate podsticaja po predmetnom modelu proizvodnje vršiti dva puta godišnje..

2.3. Sufinansiranje nabavke lijekova i hrane za pčele udruženju pčelara „Pčelar“ Zavidovići

Sredstva će se dodijeliti Udruženju građana „Pčelar“ Zavidovići. Udruženje je dužno da u roku od 60 dana od dodjele sredstava, prema Općinskom načelniku podnese izvještaj Upravnog odbora o realizaciji odobrenih sredstava, sa tabelarnim pregledom koji će minimalno sadržavati ime i prezime člana Udruženja, broj lične karte, iznos dodijeljenih sredstava i svojeručni potpis člana Udruženja.

Pravo na sufinansiranje imaju svi članovi Udruženja „PČELAR“ srazmjerno broju košnica. Općinski načelnik će, ukoliko se ukaže potreba, imenovati posebnu komisiju koja će izvršiti provjeru činjeničnog stanja.

Na Javni poziv se dostavlja popunjen zahtjev koji će sadržavati:

- Naziv udruženja, sjedište, broj klijenta iz RK,
- Broj transakcijskog/tekućeg računa i naziv banke u kojoj je otvoren,
- Potvrda o izmirenim poreskim obavezama za predhodnu godinu,
- Zbirni fiskalni račun i poreska faktura u iznosu od najmanje 5.000,00 KM, (ili pojedinačni računi od članova udruženje), o nabavci lijekova ili hrane za pčele u 2021. godini,
- Dokaz o namjenski utrošenim sredstvima za posljednja dodijeljena sredstva po javnom pozivu za dodjelu sredstava.

2.4. Podrška novim nasadima jagodičastog, bobičastog i drugog voća podignutim u jesen 2020. godine i u proljeće 2021. godine

Pravo na podsticaj imaju sva pravna i fizička lica koja su u jesen 2020. godine do proljeća 2021. godine podigli novi nasad jagodičastog, bobičastog i drugog voća. Podrška se odnosi na visinu cijene za kupljene sadnice voća po računu za sadnice na iznos minimalno 100,00 KM do maksimalno 300,00 KM.

Visina podsticaja iznosi minimalno 100,00 KM do maksimalno 300,00 KM.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg, površina novog nasada;
- Broj transakcijskog/tekućeg računa i naziv banke u kojoj je otvoren;

- Naziv parcele, broj katastarske čestice, na kojoj je izvršena sadnja i koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i dokaz da se isti račun odnosi na korisnika podsticaja, (poreska faktura, otpremnica ovjerena od prodavača i td.)

2.5. Podrška za postojeće nasade jagodičastog i bobičastog voća u 2021 godini.

Pravo na podsticaj imaju lica koja su prijavila proizvodnju jagodičastog i bobičastog voća u RPG u Općini Zavidovići, koja imaju nasad jagodičastog i/ili bobičastog voća površine od 0,5 duluma do maksimalno 10 duluma i imaju ugovor o otkupu voća zaključen sa određenim pravnim licem.

Visina podsticaja iznosi 100 KM po jednom dulumu površine nasada voćnjaka.

Na Javni poziv se dostavlja popunjen zahtjev uz koji će se priložiti:

- ovjerena kopija Ugovora sa otkupljivačem,
- Lista korištenja iz RPG-a o prijavljenom nasadu u 2021 godini.

2.6. Podrška za ugovorenu proizvodnju povrća zasijanog ili zasađenog u proljeće 2021. godine

Pravo na podsticaj imaju sva pravna i fizička lica koja su u proljeće 2021. godine izvršili sjetvu ili sadnju povrća na otvorenom i u plastenicima te na površini od minimalno 0,05 ha, (polu duluma). Priznati će se sjetva ili sadnja povrća, osim kultura paradajza i paprike u plastenicima, koja je izvršena na području općine Zavidovići, te da je proizvodnja prijavljena u RPG u Općini Zavidovići.

Visina podsticaja iznosi 200,00 KM po 0,1 ha, (dulumu).

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasađena površina;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i poresku fakturu za kupljeno sjeme ili presadnice izdat na ime podnosioca zahtjeva i ugovor o zasnivanju proizvodnje i/ili otkupu povrća koje je zasijano ili zasađeno.

2.7. Podrška za proizvodnju povrća u plastenicima u 2021 godini

Pravo na podsticaj imaju poljoprivredni proizvođači koji posjeduju plasteničku proizvodnju paradajza i/ili paprike na površini minimalno 100 m² do maksimalno 400 m².

Visina podsticaja iznosi 1,00 KM/m² površine plastenika.

Lica koja posjeduju više od 400 m² plasteničke proizvodnje nemaju pravo na općinski podsticaj za plasteničku proizvodnju i upućuju se na ostvarivanje podsticaja putem kantonalnog Ministarstva za poljoprivredu, šumarstvo i vodoprivredu. Kulture koje nisu navedene za podsticaj u plastenicima priznaće se kroz podsticajne mjere u okviru proizvodnje povrća na otvorenom i kroz ugovorenu proizvodnju.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, ukupna površina plastenika;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice gdje je plastenička proizvodnja, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;

2.8. Podrška za jesenju sjetvu žitarica (pšenice, ječma, raži, na min. 0,1 ha), je izražena u sufinansiranju kupljenog repromaterijala: sjemena, mineralnog đubriva i zaštitnih sredstava do visine od 1000,00 KM. Sufinansiranje je obezbijedeno od strane Federalnog ministarstva poljoprivrede, vodoprivrede i šumarstva u iznosu od 80 % i od strane Općine Zavidovići u iznosu od 20 %.

Pravo na podsticaj imaju sva pravna i fizička lica koja su u jesen 2020 godine na području općine Zavidovići, zasnovali proizvodnju ozimih žitarica. Podsticaj se isplaćuje u stepenu finansiranja iznosa sa računa za kupljeno sjeme, mineralna đubriva u visini do maksimalno 75 kg po jednom dulumu zasijane površine i odgovarajuća količina zaštitnih sredstava u jesenjoj sjetvi u 2020 godini. Javni poziv za finansiranje jesenje sjetve Općina Zavidovići je već objavljivala u periodu od 02.10.2020 godine do 12.10.2020 godine.

Lica koja su izvršila jesenju sjetvu žitarica a zbog kratkog trajanja javnog poziva za sufinansiranje jesenje sjetve kao i iz određenih drugih opravdanih razloga nisu predala račune za kupljeni repromaterijal za izvršenu jesenju sjetvu mogu podnijeti prijave i predati predmetne račune uz popunjen obrazac zahtjeva za podsticaj.

Priznaće se ispravni računi do maksimalnog iznosa od 1 000,00 KM.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasijane površine;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK, a ukoliko nije prijavljena uz zahtjev priložiti dokaz o vlasništvu ili pravu korištenja zemljišta,
- Broj poljoprivrednog gazdinstva i broj klijenta;
- Fiskalni račun izdat na ime podnosioca zahtjeva za kupljeno sjeme ili fiskalni račun bez imena podnosioca zahtjeva i poreznu fakturu ili otpremnica izdata na ime podnosioca zahtjeva.

2.9. Podrška za organizaciju izložbe poljoprivrednih proizvoda i proizvoda kućne radinosti

Za ovaj vid podrške objavljen je poseban javni poziv na koji se mogu prijaviti udruženja poljoprivrednih proizvođača i druga udruženja vezana za poljoprivrednu proizvodnju i kućnu radinost. Podrška se odnosi na organizovanje izložbi i za obezbjeđivanje nagrada za izložene poljoprivredne proizvode.

2.10. Podrška projektima u poljoprivredi koji se realizuju u 2021 godini

1. Podržati će se projekti u poljoprivredi koji u svojoj strukturi obuhvataju poljoprivredne proizvođače i otkupljivače u funkcionalnom i organizovanom odnosu i sa obuhvaćenim novim tehnološkim rješenjima u poljoprivrednoj proizvodnji, kao i da imaju već obezbijedeno

sufinansiranje projekta od strane trećih lica i pristanak na sufinansiranje od strane poljoprivrednika, kooperanata u vidu izjava i zaključenih ugovora o sufinansiranju.

Projekte mogu podnositi mjesne zajednice, privrednici, humanitarne organizacije i pravna lica registrovana za biljnu proizvodnju. Projektom se obuhvataju nova tehnološka rješenja u biljnoj proizvodnji a prije svega u plasteničkoj proizvodnji.

Projekti se predaju nakon usvajanja ovog programa, i najdalje do 30.maja 2021 godine, i moraju sadržavati spisak poljoprivrednih proizvođača obuhvaćenim projektom, opis tehnologije predmetne proizvodnje, opis novih tehnoloških rješenja u proizvodnji, naziv i osnovne reference otkupljivača, imena i funkcije lica na realizaciji projekta, finansijske pokazatelje opravdanosti projekta i ostale pokazatelje i drugo potrebno za realizaciju projekta.

Podrška navedenim projektima može iznositi maksimalno do 20 % od vrijednosti projektnih zadataka na novim tehnološkim rješenjima.

2.Sufinansirati će se i projekat nabavke plastenika koji provodi nevladina organizacija Arbeiter-Samariter-Bund e.V. – Deutschland, za korisnike kao socio-ekonomska pomoć izuzetno ugroženim porodicama.

2.11. Rezervna sredstva

Rezervna sredstva se mogu rasporediti na podsticaj poljoprivrednicima za nepredviđene stavke iz ovog Programa a prije svega za:

- Eventualne administrativne greške iz perioda ažuriranja podataka u RPG-u i dodjele općinskih podsticaja tokom 2020 godine,
- Iznenađna uginuća stoke kod poljoprivrednih proizvođača prijavljenih u RPG u Općini Zavidovići,
- Podrška vlasnicima samostalnih djelatnosti u poljoprivredi za primarne biljne i stočarske proizvodnje ukoliko nemaju mogućnost ostvariti podsticaje sa viših nivoa ili već nisu dobili sredstva podsticaja za pokretanje predmetne proizvodnje.
- Druge opravdane zahtjeve.

OBAVEZE SVIH KORISNIKA NAKON OSTVARIVANJA PODSTICAJA:

Svaki korisnik podsticaja dužan je dobijena sredstva namjenski iskoristiti. Ukoliko se konstatuje da je korisnik podsticaja dobio sredstva na osnovu netačnih podataka ili ako su nenamjenski utrošena, korisnik gubi pravo da konkuriše za bilo koju vrstu podsticaja u razdoblju od pet godina, a nenamjenski utrošena ili prevarom dobijena sredstva će morati vratiti. Ovu kontrolu će vršiti Komisija koju formira Općinski načelnik nakon dodjele podsticajnih sredstava za svaku godinu.

Evidenciju svih korisnika podsticajnih sredstava iz budžeta Općine Zavidovići i podatke o namjenskom utrošku sredstava će voditi Služba za upravu poljoprivrede, vodoprivrede i komunalnih poslova.

Završne odredbe:

- Posebna Komisija imenovana od Općinskog načelnika će odlučivati o usklađenosti zahtjeva sa programom, izvršenim upisima poljoprivrednika, korisnika Programa, u RPG i RK i prijavi poljoprivrednih površina u RPG i RK na koje se traži podsticaj , te će po nalogu Općinskog načelnika izvršiti obilazak terena i donijeti prijedlog Zaključka o isplati podsticaja.
- Sve evidencije o korisnicima podsticaja vodi Služba za upravu poljoprivrede, vodoprivrede i komunalnih poslova.
- Ukoliko se pojavi veći broj kandidata koji ispunjavaju uslove za podsticaje po određenim modelima, ukupan iznos podsticaja predviđen programom dijeli se na ukupan broj prijavljenih kandidata koji ispunjavaju uslove, tako da iznos podsticaja po jedinici mjere u tom slučaju može biti i manji nego što je predviđen.
- Ukoliko određeni iznos podsticaja po nekom od modela ostane neiskorišten, Općinski načelnik zadržava pravo preraspodjele novčane sume na neki od drugih modela podsticaja.
- Obrazac zahtjeva za podsticaje će izraditi nadležna služba Općine Zavidovići, a aplikanti će ga moći preuzeti na info-pultu Općine.
- Općinski načelnik zadržava pravo da umanja iznos podsticaja po pojedinim ili svim modelima ukoliko izvršenje budžeta bude manje od planiranog.
- Određuje se limit po jednom korisniku podsticaja od 2.000,00 KM kao maksimalni iznos za ostvarivanje podsticajnih sredstava po svim modelima podsticaja iz Budžeta Općine Zavidovići za 2021. godinu.

OPĆINSKI NAČELNIK

Dr. sci. Hašim Mujanović